
UDALEKO HEZKUNTZA KONTSEILU ARRUNTAREN ARAUDIA

Udalbatzarrak 2002.04.25ean onartua
2002.05.17ko GAOean argitaratua

I. KAPITULUA

1. Artikulua. Misioa.

Arrasateko udalerriaren esparruan, irakaskuntza ez unibertsitariaren programaziorako, jarraipenerako eta kontrolerako kontsulta, aholku eta parte hartzeko organoa da Arrasateko ikastetxeentzat.

2. Artikulua. Helburuak.

Kontseilu Arruntak ondoko helburuak ditu:

- a)Udalaren mailan Arrasateko ikastetxeen esku-harmena ahalbidetzea.
- b)Udalak dituen eskumenen barruan hezkuntzaren problematika kudeatu eta konpontzearen Hezkuntza Kontseilu Arrunta honen bidez Udala inplikatzeko.
- c)Hezkuntza arloari dagokionez Kontseilu Arruntak Udalari oro har, eta Udalaren Hezkuntza-Sailari bereziki beren jarduera-ardatzetan orientatzeko, proposatzeko eta kontrolatzeko.
- d)Bere ekarpenekin Arrasateko eskola komunitateak (ikastetxeek, gurasoek, ikasleek eta beste hezkuntza eragileek)izan ditzakeen arazoak konpontzeko eta hezkuntza zerbitzuak hobetzeko eragitea.

II. KAPITULUA

3. Artikulua. Eginkizunak.

Aipatu helburuak bete ahal izateko Kontseilu Arruntak ondoko eginkizunak egikarituko ditu:

3.1)Ondoko apartatuen inguruan iritzia eta aholkua eman eta proposatzea:

3.1.1)Hezkuntza arloan udalerrri mailan Hezkuntza politika osoa diseñatzea, horretarako udalaren gestiogintzaren mailan aritzen diren sail guztiak inplikatzeko, arlo horien arteko programa eragilea sustatzea bultzatuz.

3.1.2)Hezkuntza arloan Arrasateko Udalak inbertitu behar dituen baliabideen finkapena, banaketa eta kudeaketa aztertzea eta baita hezkuntza ekintzeterako Udalak bere aurrekontuan sar litzakeen beste fondo batzuk (dirulaguntzak, aktibitatean) ere.

3.1.3)Arrasateko udalerrian ikastetxeak edo eskola unitateak berriztatzeko proiektuak eta aurrekontuak egiterakoan. Ikastetxe berriak eraikitze kasuan, LBRLk bere 27.artikuluaren ezaugarriak jarraituko zaio.

3.1.4)Hezkuntzari buruzko udal jardueran eta xedapenetan, ondorengo hauek bezalako gaiak jorratzen direnean: Hezkuntza berezia, Hezkuntza konpentsatzailea, Helduen Hezkuntza Iraunkorra, Lanbide Hastapena, Laguntza Psikopedagogikoa, Eskola kirola, Osasunerako hezkuntza, Aniztasunaren tratamendua, Gizarte laguntza, Ingurugiro eskola, aktibitate osagarriak, eskolaz kanpoko aktibitateak eta arautu gabeko hezkuntza.

3.1.5)Arrasateko Udala ez den beste erakunde batzuekin, hots, Eusko Jaurlaritzarekin, erakunde honen PATEkin edo Ikuskaritzarekin, Osakidetzarekin, Foru Aldundiarekin, beste udal batzuekin, etabarrekin, Arrasateko hezkuntza zerbitzuen prestazioa hobetzeko, sinatu beharreko hitzarmenak aztertu eta proposatzea.

3.1.6)Udal mailan Arrasateko ikastetxeen esku harmena ahalbidetzea.

3.1.7)Arrasateko Udalaren Ongizate, Gazteria, Euskara, Emakume, Kultura, Ingurugiroa eta Enplegua eta beste batzuekin elkarlanean aritu Arrasateko hezkuntza arloari eskaintza bateratu, kalitatezkoa eta koordinatua emateko asmoz.

3.1.8) Hezkuntzari buruzko udal jarduketa eta xedapenetan, ondorengo hauek bezalako gaiak jorratzen direnean: Garraioa, ikastetxeen garbiketa, seguritatea eta higiene, eraikinen mantenimendua, interes berezia emanez herri eskoletako eraikinen erabilera soziala bultzatzeko araudi bat egiteri.

3.1.9)Eskola matrikulazio aurreko sasietan eskola komunitateko eragile sozial eta biztanleengana helarazteko asmoz euskarazko hezkuntza ereduen aldeko sensibilizazio kanpainak antolatzea.

3.1.10)Euskara eta euskal kultura ardatz gisa harturik, balizko kurrikulum propiodun hezkuntza sistema nazional baten sorreraren alde lan egitea, hori ematen ez den bitartean, gaurko hezkuntza sarean artean dauden lehiakortasunak eta diferentziak gainditzeko ahaleginak egingo ditu, horretarako, gaur egun, beraien artean, dauden komunikazio-oztopoak desagertarazten saiatzeaz gain, elkarlanean aritzeko guneak elkarrekin lan egitearren sustatzen eta apoiatzen saiatuko da.

3.2)Hezkuntza administrazioari eta Arrasateko Udalari ondorengo gai hauei buruzko txostenak aztertu, proposatu eta aurkeztu ahal izango dizkio.

3.2.1)Arrasateko hezkuntza sistemaren egoeraz.

3.2.2)Arrasateko ikastetxeetako hizkuntza ereduen aplikazioaren ebaluaketez.

3.2.3)Ikastetxeetako programazioa gizarte ingurumenari egokitzeaz.

3.2.4)Hezkuntza sustatzearekin eta gai berriak ikastetxeetan sartzearekin loturiko ekintzei buruz.

3.2.5)Oro har, Arrasateko udalerrian hezkuntzan eraginik izan lezakeen edozein gairi buruz, batez ere, eskola errendimenduari badagokio.

3 3. «Arrasateko hezkuntza sistemaren egoerari eta hobetzeko proposamenei» buruzko urteroko txostena landu eta egitea.

III. KAPITULUA

UDALEKO HEZKUNTZA KONTSEILU ARRUNTAREN ORGANOAK

4. Artikulua. Osaera.

Udaleko Hezkuntza Kontseilu Arruntaren organoak Lehendakaritza eta Kontseilu Arruntaren Osoko Bilkura dira.

5. Artikulua. Lehendakaritza. Eginkizunak.

a) Udaleko Hezkuntza Kontseilu Arruntaren lehendakaritza Udalaren Hezkuntza batzordeburuari dagokio.

b) Hezkuntza Kontseilu Arruntaren lehendakaritzak nagusiki ondoko eginkizunak izango ditu:
—Kontseilu Arruntaren bileretara deitu, Kontseiluraren bileren buru izan eta bileren eztabaidak zuzendu.

—Kontseilu Arruntaren xedeak bultzatu eta koordinatzea.

—Kontseilu Arruntaren Ordezkaritza legala.

—Bilera bakoitzaren gai zerrenda zehaztea.

6. Artikulua. Udaleko Kontseilu Arruntaren Osoko Bilkuraren osaera.

Udaleko Kontseilu Arruntaren Osoko Bilkurak ondoko kideez osaturik dago:

1. Lehendakaritza.
2. Mahaikidetzak.
3. Idazkaritza.

7. Artikulua. Hezkuntza Kontseilu Arruntaren osoko bilkuraren mahaikidetzak.

Hezkuntza Kontseilu Arruntaren mahaikideak (bokalak)hauek dira:

—Alderdi politiko bakoitzak Hezkuntza batzordean duen ordezkaria (lehendakariaren partidu politikokoa izan ezik)Iritzi eta boto eskubideekin.(5)

—Udalerrian, irakaskuntza ez unibertsitariar aritzen diren ikastetxe bakoitzaren zuzendaria iritzi eta boto eskubideekin. Saan Andres, Musakola eta Erguin herri eskolak zein Arrasate-Aretxabaleta Batxilergo Institutua, SFXabier, San Viator eta Umezaintza ikastola, La Merced ikastetxea eta Mondragon Eskola Politeknikaoa.(9)

8. Artikulua. Mahaikidetzak izendatzea.

—Legegintzaldi bakoitzaren hasieran, udal talde politikoek proposatuta, Udal Taldeen ordezkariak diren mahaikideak izendatuko ditu Alkateak.

—Legegintzaldi bakoitzaren hasieran, ikastetxeen zuzendaritzek proposatuta, ikastetxeen ordezkaria diren mahaikideak izendatuko ditu Alkateak, ordezkari hauek ikastetxeen zuzendariak izatea proposatzen delarik.

Halaber, izendaturiko mahaikideen ordezeko ordezkari bana izendatuko da.

—Ikastetxeren batek bere nortasun juridikoa aldatuko balu o desagertuko balitz, Hezkuntza batzordeak proposaturiko ikastetxeen zerrenda berria eta ikastetxeen zuzendaritzengandik proposaturiko bokalak Alkateari bokal horiek izendatzea proposatuko dio, Alkateak izanik izendapen horiek onartzea erabakiko duena.

9. Artikulua. Idazkaritzaren eginkizunak.

Udaleko Hezkuntza Kontseilu Arruntaren idazkaria Arrasateko Udalaren Hezkuntza tekniaria, Hezkuntza batzorde informatiboaren idazkaria, edo, bere kasuan, bere ordezkaria izango da, idazkari honek Kontseiluaren bilkuran iritzi eskubidea izango du, ez ordea, boto eskubiderik.

Udaleko Hezkuntza Kontseilu Arruntaren idazkariak nagusiki ondoko betekizunak izango ditu:

—Lehendakaritzaren batera bileretarko eguneko aztergaien zerrenda prestatzea.

—Astebeteko aurretiaz, bileren deiak egitea.

—Bilera guztien aktak jasotzea eta egitea, hartutako ondorioak barnean sartuta.

—Kontseiluaren partaidei beharrezko informazioa eman eta aktak bidaltzea.

—Kontseiluko kideen proposamenak jaso eta horietaz informatzea.

—Lehendakariari eta Kontseiluari aholkularitza ematea, eskatzen zaionean.

10. Artikulua. Aholkularitza.

Lehendakariak pertsonak eta erakundeak Osoko Bilkuraren bileretara edo Lantaldeetara gonbidatu ahalko ditu, baldin eta beraien balorazioa, iritzia edo ustea interesgarritzat hartzen bada.

11. Artikulua. Hezkuntza Kontseilu Arruntaren Osoko Bilkuraren deialdia.

—Hezkuntza Kontseiluaren Osoko Bilkuraren deialdiak Lehendakaritzari dagozkio, zeinek deialdian eguneko aztergaien zerrenda sartuko baitu, zazpi egun lehenago gutxienez.

—Eguneko aztergaien zerrenda Lehendakaritzak egingo du, idazkariarekin batera, Osoko Bilkurako kideengandik jasotako proposamen guztiak kontuan harturik.

12. Artikulua. Mahaikide izaera galtzea.

1. Hezkuntza Kontseilu Arruntaren kideek beren kidesuna galduko duten bukatzen denean edo:

—Norberak nahi duenean.

—Beraiek ordezkatzeko duten erakundeak erabakitzen duenean.

—Ordezkatzen duen erakunde juridikoa desagertzen denean.

—Ordezkaritza politikoen kasuan, beraien zinegotzitza iraungitzen denean.

Aurreko egoera eta baldintzak idatziz agerrarazi beharko dira eta Kontseiluko buruari zuzendu beharko zaizkio.

2. Kontseiluko kideak agintaldia bukatzen denean berriro hautatu ahalko dira.

VI. KAPITULUA

LANTALDEAK

13. Artikulua. Lantaldeak sortzea.

Udaleko Hezkuntza Kontseilu Arruntaren Osoko Bilkurak beraren eskumenekoa den eta tratamendu berezia merezi duela uste den edozein gaiari buruzko azterketa egiteko irizpena emateko edo proposamena burutzeko Lantaldeak sortzea ahalko du.

14. Artikulua. Eginkizunak.

Lantaldeen izenak., osaera, helburua funtzionamendu-araubidea eta iraupena Kontseilu Arruntaren Osoko Bilkurak zehaztuko ditu.

15. Artikulua. Osaera.

Lantaldeak Kontseiluko kideek osatuta egongo dira, eta lantaldeotan sartu ahalko dira, beraiek proposatuta, aztertu beharreko gaietan adituak diren pertsonak.

16. Artikulua. Txostengileak.

Lantalde bakoitzean beti egongo da txostengile bat, Hezkuntza Kontseilu Arruntaren Osoko Bilkurako kideen artean aukeratu dena.

VII. KAPITULUA

BARNE ARAUBIDEA

17. Artikulua. Deialdiak.

Udaleko Hezkuntza Kontseilu Arruntak ohiko bilerak egingo ditu gaiak jorratzeko, ikasturterako 2 bilera egitea proposatzen da, bata, ikasturtearen hasieran eta bestea, ikasturtearen 2. hiruhilekoaren bukaeran.

Kontseilu Arruntaren Ohiko Bilkurak aparteko bilera egingo du:

—Lehendakariaren ekimenez edo.

—Osoko Bilkurako kideen herenak. Hala eskatuta, baldin eta organo horren eskumenpeko gaiak badira.

18. Artikulua. Bilkurak.

—Kontseilu Arrunterako deialdiak Lehendakaritzak idatziz egingo ditu, ohiko bileretarako gutxienez, zazpi eguneko aurretiaz, eta aparteko bileretarako hiru egun aurretik.

—Hezkuntza Kontseiluaren Osoko Bilkurak ezin egingo da Lehendakaria eta idazkaria edo ordezkari izendaturikoak bertaratzen ez badira.

—Egindako bileren inguruan aktak jasoko dira, non akta hauetan, izandako pertsonen, egunaren, tokiaren, jorraturiko gaien eta botazioak izanez gero, emaitzen berri jaso beharko diren.

—Udaleko Hezkuntza Kontseilu Arruntaren Osoko Bilkura lehengo deialdian balioz eratzeko, quorum-a osatzen duten kideen kopuruaren gehiengoa izango da.

—Lehendabiziko deialdian, quorum-a iristen ez bada, bigarren deialdia egongo da, leku eta data beren ordu erdi geroago burutko dena. Berau kopurua dena dela egin ahal da, baldin eta gutxienez hiru kide bertaratzen badira.

—Udaleko Hezkuntza Kontseilu Arruntaren egoitza Arrasateko udaletxea da.

19. Artikulua.

Araudi horretan aurreikusten ez diren gaiak, Toki administrazioen Antolakuntza, Funtzionamendu eta Erregimen Juridikoaren erregelamenduak ezartzen duenari jarraituko zaio.

INDARGABETZEKO XEDAPENA

Indarrik gabe gelditzen da 1988ko apirilaren 29an Udalbatzarrak «Arrasate Udaleko Eskola Kontseilua» sortzeko harturiko erabakia eta arautegi honetan xedatutakoaren aurka dagoen maila bereko edo apalagoko beste edozein xedapen.

AZKENEKO XEDAPENA

Arautegi hau Gipuzkoako Aldizkari Ofiziala argitaratzen den egunaren biharamunean jarriko da indarrean.